

高王觀世音真經 A06

淨口業真言 唵，修唎修唎，摩訶修唎，修修唎，娑婆訶

淨身業真言 唵，修哆唎，修哆唎，修摩唎，修摩唎，娑婆訶

淨意業真言 唵，縛日囉怛，訶賀斛

安土地真言 南無三滿哆，母馱喃，唵，度嚕度嚕，地尾梭訶

南摩本師釋迦牟尼佛(三稱)

八大菩薩名號

南摩觀世音菩薩摩訶薩，

南摩彌勒菩薩摩訶薩，

南摩虛空藏菩薩摩訶薩，

南摩普賢菩薩摩訶薩，

南摩金剛手菩薩摩訶薩，

南摩妙吉祥菩薩摩訶薩，

南摩除蓋障菩薩摩訶薩，

南摩地藏王菩薩摩訶薩，

南摩諸尊菩薩摩訶薩。

開經偈

無上甚深微妙法，百千萬劫難遭遇，

我今見聞得受持，願解如來真實義。

觀世音菩薩。南摩佛。南摩法。南摩僧。佛國有緣。佛法相因。常樂我淨。有緣佛法。南摩摩訶般若波羅蜜是大神咒。南摩摩訶般若波羅蜜是大明咒。南摩摩訶般若波羅蜜是無上咒。南摩摩訶般若波羅蜜是無等等咒。南摩淨光秘密佛。法藏佛。獅子吼神足幽王佛。佛告須彌燈王佛。法護佛。金剛藏獅子遊戲佛。寶勝佛。神通佛。藥師琉璃光王佛。普光功德山王佛。善住功德寶王佛。過去七佛。未來賢劫千佛。千五百佛。萬五千佛。五百花勝佛。百億金剛藏佛。定光佛。六方六佛名號。東方寶光月殿月妙尊音王佛。南方樹根花王佛。西方皂王神通燄花王佛。北方月殿清淨佛。上方無數精進寶首佛。下方善寂月音王佛。無量諸佛。多寶佛。釋迦牟尼佛。彌勒佛。阿閼佛。彌陀佛。中央一切眾生。在佛世界中者。行住於地上。及在虛空中。慈憂於一切眾生。各令安穩休息。晝夜修持。心常求誦此經。能滅生死苦。消除諸毒害。南摩大明觀世音。觀明觀世音。高明觀世音。開明觀世音。藥王菩薩。藥上菩薩。文殊師利菩薩。普賢菩薩。虛空藏菩薩。地藏王菩薩。清涼寶山億萬菩薩。普光王如來化勝菩薩。念念誦此經。七佛世尊。即說咒曰：「離婆離婆帝。求訶求訶帝。陀羅尼帝。尼訶囉帝。毗黎尼帝。摩訶伽帝。真陵乾帝。梭哈。」(七遍)

十方觀世音。一切諸菩薩。誓願救眾生。稱名悉解脫。若有智慧者。殷勤為解說。但是有因緣。讀誦口不輟。誦經滿千遍。念念心不絕。火焰不能傷。刀兵立摧折。恚怒生歡喜。死者變成活。莫言此是虛。

諸佛不妄說。高王觀世音。能救諸苦厄。臨危急難中。死者變成活。
諸佛語不虛。是故應頂禮。持誦滿千遍。重罪皆消滅。厚福堅信者。
專攻受持經。願以此功德。普及於一切。誦滿一千遍。重罪皆消滅。
高王觀世音真經終。

